

KRONIKA

Sagarrondotik, lehena bukatuta bigarrenari begira

Hernani osoa sagardotegi erraldoi bihurtu zen martxoaren amaieran egindako jai herrikoia

Euskal Herriko hamai-ka bazterretan oso ezaguna eta maitea dute sagardoa eta asko dira dolare baten inguruan altxatutako baserriak. Gure herriko historiaren orrialdeetan sagarraren eta sagardoaren garai onenen berri irakur daiteke eta egungo panorama, izan ere, ez da hain gazia. Sagardoak sasoi dezente onak bizi ditu eta Gipuzkoan sehaska gozoa dauka, Sagardoaren Lurraldea deitzen zaion horretan bereziki, Hernanin, Astigarragan, Urnietan eta Usurbilen alegia.

Eta Hernani, Astigarraga eta Usurbilgo udalek babestu dute, hain zuzen, aurtien lehenengoa bete duen Sagarrondotik jaia, joan den martxoaren 21, 22 eta 23an Hernaniko bazterrak sagardotegi erraldoi bihurtu zituen.

Sagarrondotik jaia izen bereko elkarteak antolatua da, sagardoaren kultura sustatze aldera sortutako elkarte berau. Hiru eguneko egitarauaren lehendabiziko edizioan sagardoaren tradizioa eta egungo ohiturak uztartu nahi izan ditu, edozer sustatzeko modurik onena horixe baita. Sagarrondotik Elkartekoek adierazi dutenez, «euskaldunon izaera, izatea eta hizkuntza bera biltzen baititu sagardoaren munduak».

Sagarrondotik jaiaren helburuek bi norabide dituzte: sagar-

Sagardoaren lurraldea. Halaxe esaten zaio Astigarragak, Usurbilek, Urnietak eta Hernanik marrazten duten eremuari. Joan den martxo amaieran Hernanin izandako Sagarrondotik jaiak omenaldia eskaini zion sagardoari eta izugarritzko festa giroa piztu zuen horretarako propio, adin guztietako sagardozaletan kontentatzeko modukoa.

doaren lurraldea deritzona urteroko jai bakarrean biltzea, batetik, eta Euskal Herriaren elkarraldia bultzatzea, belaualdiak uztartuz eta gazteenak kitzikatuz, bestetik.

Hurrengoari begira
Lehendabizikoa bukatu berri-tan, antolatzaileak hurrengo urtekoari begira jarriak dira dagoeneko. Eta lehenengoa ondo atera bada ere, datozenak antolatzeko lehenengotik ikasi-



Jendeak majo erantzun zion sagardozaletan deialdiari.

Jon URBE | ARGAZKI PRESS

takoak oso baliagarriak izango zaizkiela uste dute, «lehenengoa beti zailena izaten baita».

Aurtengoa dotore joan da, izugarritzko betekadarik gabe, baina jendez majo. Egitarauak ez zuen gutxiago merezi, denetarik bildu du eta.

Berezitasunen bat aipatzekoan, Euskal Herriko osoko sagardogileek parte hartu dutela nabarmendu beharra dago, aurretik aipatutako Sagardoaren Lurralde horretatik kanpo ere txoko askotan ezagutzen baitituzte sagarraren eta sagardoaren barrunbeak. Hortaz, Gipuzkoako Lasarteko, Donostiako, Andoaingo, Hondarribiko, Ikaztegiako, Ataungo, Abaltzisketako, Asteasuko eta Oreretako sagardogileek hartu dute parte jaietan, beste- ren artean. Bizkaiko Gizaburuagatik eta Mungiatik ere bertaratu dira Hernanira. Nafarroako Aldatzetik eta Lekaroztik, Arabako Aramaiotik, Nafarroa Behereko Lasatik eta Lapurdiko Briatutik ere ekarri dute sagardoa Sagarrondotik lehenengo ediziora.

Sagardo kontuetan onetik onera ibili da Sagarrondotik jaia eta musika nahiz kultura eskaintza pare-parekoa izan da. Desmond Dekker, Gatibu, La Polla, Raimundo Amador, Fundación Tony Manero, Kiko Veneno, Gari, Kuraia, Alboka eta Potato taldeek osatu dute musika menua.

Txikienentzat ere punta-puntakoak bertaratu dira Hernanira, Takolo, Pirritx eta Porrotx eta Txan magoa kasu. Herrikirolen zaleek ere izan zuten zer ikusia sagardo usainez eta soinu- z blai etorri zen asteburuan.

Datorren urtekoari begira, Sagarrondotik ez ditu bere bi zutabe nagusiak ahaztu nahi: sagardoaren kultura eta belau- naldi gazteenek kultura hone- tara erakartzea. ■

Amagoia MUJICA



Astigarragatik,
Sagardoaren txokotik,
Gurutzetak
URREAGA eskeintzen dizu,
Gaur edan dezakezun
Etorkizuneko edaria,
Betikoa,
Baserritik jätetxeetara
Guztiz mimatua eta zaindua,
Gure Sagardoa.

GURUTZETA

Oialume Bidea, 63
20115 ASTIGARRAGA
Tfnoa./Faxa: 943 552 242
e-mail: gurutzeta@gurutzeta.com